

Mato Damjanović, bachelor geografije - Završni magistarski rad

Fakultet/Akademija	PRIRODNO MATEMATIČKI FAKULTET
Tip Rada	Završni magistarski rad
Kandidat, zvanje	Mato Damjanović, bachelor geografije
Naziv Teme	Razvoj poljoprivrede i agroindustrije na području općine Orašje
Rezime/Abstract	<p>Općina Orašje se nalazi u sjeveroistočnom dijelu Bosne i Hercegovine i administrativno-politički pripada Posavskoj županiji. Površina općine iznosi 121,8 km², što predstavlja 37,5% od ukupne površine Posavske županije. Prema rezultatima popisa stanovništva, domaćinstava i stanova u Bosni i Hercegovini iz 2013. godine u ovoj općini živi 19.861 stanovnik, što čini 45,7% od ukupnog broja stanovnika u Posavskoj županiji, odnosno samo 0,9% u Federaciji Bosne i Hercegovine. Povoljan geografski položaj i prirodni uslovi kao što su umjereno-kontinentalna klima, vodeni resursi i poljoprivredno zemljište uslovi su ubrzani ekonomski razvoj ove općine. Poljoprivreda je jedna od najrazvijenijih privrednih djelatnosti, a poljoprivrednom proizvodnjom se bavi oko 80% stanovništva ove općine, bilo kao osnovnom ili kao dopunskom djelatnošću. Međutim, u novije vrijeme prisutan je i trend razvoja sekundarnih i tercijarnih djelatnosti, kao što su prerađivačka industrija, trgovina i saobraćaj. Osnovu zemljoradničke proizvodnje čini produktivno zemljište. Općina Orašje raspolaže sa ukupno 9.376 ha poljoprivrednog zemljišta, od čega se obrađuje oko 7.500 ha. Poljoprivredno zemljište je pogodno za uzgoj velikog broja kultura, uključujući i proizvodnju ekološki zdrave hrane. Od agrarnih kultura izdvajamo proizvodnju cerealia (pšenica i kukuruz), voća i povrća, proizvodnju duhana, vrbovog pruča za korparsku proizvodnju, te biljaka za proizvodnju šećera i ulja te soje za proizvodnju stočne hrane. Prinos zemljoradničkih kultura danas je mnogi veći nego prije jer se odabire sjeme, primjenjuju agrotehničke mjere i dr. Također, razvijena je i stočarska djelatnost od kojih izdvajamo govedarstvo, peradarstvo, svinjogojstvo i u manjoj mjeri ovčarstvo i kozarstvo. Od vodenih potencijala najznačajnije su rijeke Sava, koja je i granična rijeka sa Republikom Hrvatskom te rijeka Tolisa. Vode ovih rijeka se koriste za navodnjavanje poljoprivrednih površina. I saobraćajno-geografski položaj postaje značajan element agrarno-geografskog razvoja područja općine Orašje. Tako teritorijom općine prolazi magistralna saobraćajnica Orašje-Tuzla-Sarajevo-Ploče, koja povezuje Bosansku Posavinu i Hercegovinu, odnosno Istočnu Slavoniju u Republici Hrvatskoj i Jadransko more. Od značaja za razvoj poljoprivrede i trgovine poljoprivrednim i prehrambenim proizvodima u ovom kraju je blizina riječne luke u Brčkom i međunarodnog autoputa E-70 (Ljubljana-Zagreb-Beograd), kao dionica panevropskog transportnog Koridora X. Općina Orašje raspolaže sa kvalificiranom radnom snagom i tradicijom u poljoprivrednoj proizvodnji. Od ostalih poljoprivrednih djelatnosti razvijaju se još lov i ribolov. Uloga poljoprivrede kao proizvođača sirovina (prvenstveno za industriju na ovom području) je sve veća. Na sirovinama iz poljoprivrede svoju djelatnost baziraju: mlinsko-pekarska, mliječarska, industrija mesa, proizvodnja pića, prerada voća, povrća, ljekovitog i aromatičnog bilja, proizvodnja meda, prerada kože, duhana i dr. Ključne riječi: Poljoprivreda, poljoprivredne djelatnosti, agro-tehničke mjere, agroindustrija</p>
Datum	17.06.2020
Predsjednik	Dr.sc. Alija Suljić, vanredni profesor, za užu naučnu oblast „Antropogeografija“, Prirodno-matematički fakultet Univerziteta u Tuzli
Mentor	Dr.sc. Dževad Mešanović, vanredni profesor, za užu naučnu oblast „Antropogeografija“, Prirodno-matematički fakultet Univerziteta u Tuzli
Član komisije	Dr.sc. Alma Kadušić, vanredni profesor, za užu naučnu oblast „Antropogeografija“, Prirodno-matematički fakultet Univerziteta u Tuzli
Član komisije	-
Član komisije	-
Zamjenski član	Dr.sci. Fadila Kudumović Dostović, vanredni profesor za užu naučnu oblast „Regionalna geografija“ Prirodno-matematičkog fakulteta Univerziteta u Tuzli
Dodatni detalji i lokacija	u srijedu 17.06.2020. godine u Sali broj: 203 Prirodno-matematičkog fakulteta Univerziteta u Tuzli, sa početkom u 10 sati
Zavrsne Odredbe	Pristup javnosti je slobodan. Rad se može pogledati u Sekretarijatu fakulteta radnim danom od 08 do 14 sati.